

道法會元卷之五十六

好一

上清玉府五雷大法玉樞靈文

雷靈大師曰昔玄黃未判恍惚難明之際清濁纒分鴻蒙有象之初

元始上帝見無相之理俾大聖元命刻畫

機鋒規模字體華簡瓊書龍章鳳象炳然

是時高上神霄玉清真王凝神金闕思念

聖賢下閭一切衆生漂溺苦海流浪生死

萬劫冤愆邪妖尅害真王哀憫禮問殷勤

元始上帝於玉闕金房謂真王曰衆生未

悟因有攝因衆生既悟攝因何在地獄天

堂孰非假合真王叩首再拜長跪上啓仰

荷玄恩願持真要元始憫焉不亦善哉遂

命靈妃洞妙玉女把袂龍披金之輪開嘯

風銷玉之鎖於西華妙真之殿取碧光瓊

瑤之靈授以三光紫文混合之道教以五

雷禦邪斬妖之訣曰黑龍赤馬炎炎昌運

當出霄吏至隱秘要是時

元始上帝領十方無鞅聖衆即回命魔并

入無形真王垂休塵世既以符印五雷龍

章北斗璇璣秘訣授五嶽夫人曰天之北

辰乃衆星之所拱下有樞機之二宮又曰

東西之兩極樞宮斡旋化生之樞機宮代

帝行令之所管陽九百六之災害人間告

凶鬼神禍福之事發生萬有品物流形莫

非號令之顯故有雷神其雷有五曰天雷

曰神雷曰龍雷曰水雷曰社雷且有雷

城其城在玉清真王府碧霄上梵炁中去

玉清府境二千三百里城高八十一丈乃

吾按治之由居卿師使相列職分司主發

生萬物驅動海嶽四時推遷陰陽升降錄

善罰惡中有五雷都司應時行令自有五

雷使專司統攝五雷下統北極玉樞蓬萊

三司凡世間風雨不時亢陽爲虐旱蝗作

孽兵戈妄動饑饉荐臻皆由請命帝君行

令玉樞即施號令其樞自有設官三百員

輔養生化之治凡求真慕道之士不論要

妙形還壞滅不行符水功行不達於三天

不潔精華神不清悅不濟疾苦道果難成

求仙學道欲功行速者不出斬邪除害行

符咒水濟人利物廣積陰德精勤香火過

物思拯正直無邪終始如初則何慮不獲

輕舉矣但恐未能精思取致浮淺符訣不

全功遂効少觸事不靈終怠者多吾甚耻

之今將秘旨玉樞靈文降於人間內行則

可以修養治身外用則可以安民濟國禱

雨祈晴消災却禍驅江湖作孽龍蛇制潭

洞傷人蛟蜃救生靈困重之厄超羣識幽

暗之冤伐廟除邪誅妖療病運雷靈於掌

上致風雨在目前攘九玄七祖之罪尤消

百劫千生之蚌結靈文秘典蓋緣接物利

生妙旨神方普救沈痾疾得之者固守

遇之者有緣稟戒行持飛騰可待始勤終

慢苦海求沈精研用之響應斯在太素大

夫擬神殿侍宸王文卿序

雷靈分司

雷靈大師曰五雷既明當知雷府所部既明

所部有請立應且雷城在玉清真王府碧霄

上梵炁中去府二千三百里城高八十一丈乃

玉清王按治之所卿師使相列職分司主發

生萬物驅動海嶽推遷四時升降陰陽錄善罰惡中有五雷主者應時行令以輔真王之化且五雷使乃電城之專司統攝五雷關甲司分凡風雨不時亢陽為虐兵戈妄動鐵鏹若臻皆由請命帝真無不由玉樞而大布分野兼領三司將吏判治三界鬼神功過以康黎庶且斗有神府有樞樞有相故有五樞院又名斗樞院設官分職近二百員輔真王之治領雷霆之職至於水旱之災兵戈鐵鏹皆由執正而行

雷霆都司乃北帝專司之所列官分職佐玉機之政凡世間水潦旱魃悉請玉樞院稟聽施行至於雷霆斧鉞慶賞刑罰有條不紊悉有司存天心有雷但不專耳且蓬萊司乃都水使者所統將吏專司水職分雲布悉兼江海河瀆泉源之事凡世間亢陽必申玉樞院請奏乞降霈澤以救生民  
大帥曰前四司獨五雷院專權也雖皆受制各司各有猛將吏兵統攝四院威靈浩博豈同他部之兵學真兼法之士皆請兵於此條

在傳科亦宜知及

雷霆神位

六波天主帝君

玉樞院真君

中央黃帝雷君

南方赤帝雷君

北方黑帝雷君

上清亦知大法君

玉樞院副元君

風火元君

兩師仙君丈人

大伯風靈君

雷令青君

東靈上相元君

天雷真宰

龍雷仙宰

雷令主者

五雷院副使

霹靂大仙

倉牙大仙

玉府上卿五雷使

蓬萊都水使者

東方青帝雷君

西方白帝雷君

雷伯青帝雷君

上清玉府元命左文君

雨師元君

風伯元君

雷光元聖君

龍雷君

捲水龍君

斗中真人

神雷真宰

水雷仙宰

天雷上相

掌火書金經大仙

火鈴大仙

主雷大神

欽火大神

振威大神

引領大神

眾目大神

掌霹靂火元銀牙耀目威神

上清玉府玄天大法師

瑞光仙師

雷令天師

雷師皓翁

禁師趙侯

上清司命玉府右卿南宮上卿

四明公賓元君

洞陽幽靈之神

虛皇太華之神

天雷風領之神

斗中六通使者

右大判官

右判官

掌書簿判官

太歲大將軍

肩光吏

典雷大神

六目雷光神

執部領兵大神

斗中樞相

玉真耀靈仙師

五雷皓翁

法令伐惡法師

雷公火雲元帥

大光流精之神

金精青恩仙娘

斗中鄰水左使者

左大判官

左判官

伏雷博士

三五鐵面火車將軍

三五邵陽主帥將軍

三五邵陽主帥將軍

三五邵陽主帥將軍

三五邵陽主帥將軍

三五邵陽主帥將軍

流金火鈴大將軍 霹靂典籍功曹  
 霹靂覆劫功曹 霹靂記書過功曹  
 掌惡簿功曹 製雷揮鉞上命使者  
 火鈴威天公吏 日光陽光太極吏  
 掌苗稼五穀上吏 玉光金精上吏  
 吹海揭波馳役押陣靈華猛吏  
 斬妖伐木開山火鈴神吏  
 追雷擊雷神吏 神訣風雲上吏  
 飛雲走電大神吏 掌雷車黑赤神吏  
 吞魔嘯妖六甲神吏 擒龍捉孽撼山大吏  
 掌火輅金車上吏 丹元掌罪刑部正直吏  
 部轄靈魔掌律文華上吏  
 勘會妖魔校正善惡主吏  
 察善惡孝逆忠和都吏  
 掌水界分野災疹上吏  
 掌山林嶺野溪谷主吏  
 雷威猛吏  
 雷威主吏 風雷神吏  
 執節都吏 雷車判官  
 掌書判官 黑面神荼大神  
 五雷真符吏

雷車左領將軍 雷車右領將軍  
 主籍吏 雷雷鼓主帥都神部吏  
 掌剛風天漢吏 起雨興雲吏  
 威劍威靈吏 掌火鈴使者  
 掌四季風雨令 掌霹靂火令  
 負天擔石太微令 掌天書文籍令吏  
 掌各吏福元將軍 掌霹靂火光令  
 掌鬼政龍書吏 西臺雷雨吏  
 龍圍池水吏 追風布雲虎吏  
 掌兵器甲卒吏 掌雷風雪電電光吏  
 龍隊監催使者 霹靂搜龍使者  
 律令使者 傳令使者  
 蒼牙使者 五雷使者  
 南宮火鈴使者 雷陣左車使者  
 雷陣右車使者 散雲壓黑使者  
 縛鬼監送使者 典錄考禁使者  
 霹靂催風使者 霹靂送冤使者  
 霹靂火車腥煙使者 霹靂送火禁火使者  
 霹靂火車黑火使者 霹靂倒捉推拉使者  
 霹靂四望使者 霹靂察聽使者

霹靂回車使者 掣電奔雲使者  
 掌兵甲橫身飛雲使者  
 驅雲雷電使者 斤斧使者  
 雲中使者 移山翻海鐵甲使者  
 動風鼓震天威赤文使者  
 掌風電金鈴火鈴使者  
 掌疫癘使者 江河使者  
 三十六雷鼓力士 降電力士  
 推邪力士 左持幢仙人  
 右持幢仙人 紫光童子  
 掌錄童子 捧劍童子  
 擲光童子 執幡童子  
 三五卻陽將軍 邵陽雷公  
 火車將軍 起罡童子  
 發罡將軍 六龍將軍  
 黃帝雷公將軍 青帝雷公將軍  
 赤帝雷公將軍 白帝雷公將軍  
 黑帝雷公將軍 天雷光將軍  
 水雷電光將軍 邀放撲殺將軍  
 擲火將軍 霹靂號黑將軍

霹靂戮伐將軍

玉樞斗下左神將

玉樞斗下右神將

北帝殿下左神將

北帝殿下右神將

蓬萊司左神將

蓬萊司右神將

雷寶印文

火師曰雷部有六符寶印始自元始上帝付授次及五嶽五君丈人其印皆玉為之或號玉樞自後黃帝雷公風后等嗣法佩印隨身登天昔許君遜得此五號同吳君猛攝斬毒龍毒龍不伏以印照之其龍二目流血不得轉動方始及誅尸血穢觸其印微裂小縫自後再祭其文復舊印中有斗中通事令人紫光童子出入不可妄用六印皆用陽桃木心取丙日甲日刊之如無桃取雷驚棗木亦可六印者內五雷使印非上元一品天官不可用之次曰紫光丹天之印得此印者佩負年深可以坐召雷神移山竭海驅龍致雨蓋有隱形凡有飛空走地猛惡鬼神但以此印印貼其所自然消滅應起龍行雨用印符牒然不可妄用神哉其印也次曰雷光火文之

印得遇此印者可以役使五雷誅斬惡孽與雲致雨降伏水怪若修真鍊丹之士得遇此印安之壇場鬼怪見之紅光萬丈火焰亘天不能為盜佩入軍陣白刃不能傷形符牒亦用此印印之昔茅君佩受位至東嶽上卿司命升天後遺印文在世次曰玉晨洞靈之印又名斗魁印昔茅君曾佩之得遇此寶印可以照斬蛟蜃妖龍召雷致雨刻應依時無不驗也應祈晴降雪傳度行道並用此印印之或發奏申文狀及關劄符牒即時上達凡佩此印經到州縣城隍祠典悉來奉迎。

祭印法

凡祭雷印取六丙雷會之日夜於斗樞之下向罡列案安排時果不得用榴棗藕葛甘蔗土瓜之屬宜用茶酒一十二分燒香望斗樞再拜上啓斗下樞相通事令人祝云弟子今夕燒香奉行五雷大法度到神印合用行使不敢擅專伏乞斗下樞相通事令人左右都水使者玉完童子五雷下奏事直符今日功曹伏願降駕受歡薄禮再拜三酌酒燒香用

金錢一十二分雲馬一十二騎左右手拍展文默念呪曰天輔丙木雷光化生斗樞降靈變化五行八卦通神九州皆驚水部東首火怪滅形願降妙炁流布九清急急如律令

呪畢存諸神降臨真炁吸入印中收安靜室不可令婦人雞犬見之用之如法

出印呪

大鈴宮中烜赫交通五方五雷降先行風天威四震萬惡消蹤急急如律令

用印呪

天皇告命斬邪滅兇神印一下風火奔衝急急如上帝律令

呪畢取雷炁吹印存火光萬丈上接斗樞下注印文存五雷電光震警天地神霄天

半青赤吸炁入口吹印上

入印呪

神印復巽玉童還宮百職守位有召即從急急如律令

呪畢封印至雷司聖前非行法印不得開



五雷所部

火師曰凡雷有五曰天雷曰神雷曰龍雷曰水雷曰社令雷又名秋雷不奉所主不同所部亦別學道之士奉法弟子得其所歸亦可申牒祈請若或不知其方徒用其心也天雷者百官十將上輔玉帝下御陰陽威德極重換劫之時上帝敕此雷令降下人間隸天覆地鼓震乾坤安日立月尊極不能盡言若國土連年亢旱天下饑荒當具國王投詞奏開天廷并及諸司乞降此雷拯濟天下方可施用壇法如式不可妄意神雷者亦有百官十將居三界之中隨時屯駐代天行化一年四時之中發號施令均布雨澤若下方不忠不孝不仁不義前生今世陰毒害物冤結滿盈三官上奏書名惡簿上帝即敕神雷伐之今或狂風大雨之時震動霹靂誅戮人物者是也欲動此神雷須申上三司及飛奏九清方可用之龍雷者上帝所賜龍宮有萬將十兵以佐龍君威德保護仙經凡龍宮海藏仙經萬卷異寶無涯亦乃天帝所賜此雷保之主

救一方旱潦欲動此雷飛申諸司奏聞上帝下牒龍雷主者速行拯救無不應耳其風順而和其雨細而廣是也水雷者乃下元水官所部也上帝賜令誅斬水妖賞功伐過為神之列亦主救濟一邦災旱官將並同龍宮若行遣之必須申諸司及牒水部然後奏聞克期而應社令雷者乃一郡一邑之中有忠義報國之士孝勇猛烈之人報君落陣居家憤死英靈之性聚為此雷能捉蜃龍非時作狂風猛雨拔樹斷木務求血食亦能禍福一方百妙祭之及時則風雨順如失祭告則作暴雨狂風疾雷猛電連作大水害人苗稼傷人性命今世人一州一土或有神廟祈求感應因而封祀者乃此類也昔趙鸞鳳運谷而闢者正此等耳學愈兼道之士得此口訣能違動此雷以救百里之旱一邑之災凡驅社令雷須牒城隍并惡猛祠典令城隍督此雷然後立壇祭祀但可救旱作水不可妄議


祭律令大神

雷部有欽史大神姓鄧名伯温昔從黃帝戰



欽火符

敗蚩尤封河南將軍大神見黃帝登天遂棄位入武當山修行百載能隨炁升降又見世人不行忠孝殺害侵欺以強凌弱國王輔弼不能制御遂日夜發大願欲為神雷代天誅伐此惡逆念不絕怒炁衝天忽一日變鳳簪銀牙朱履蓋身左手持雷鑽右手持雷鉞身長百丈兩腋生翅展開則數百里皆暗兩目放火光二道照耀百里手足皆龍爪飛遊大虛吞嚼精怪斬伐妖龍蒙上帝封為律令大神隸屬神雷其雷於五月五日午時升入南宮火鈴之宅本日可以圖形於靜室中用羊血雞血鵝血五分羊頭五箇時菓淨酒供養大神一晝夜其神降可使立興雲雨頃刻作晴止風滅怪斷瘟除疫其神能吞瘟鬼祭時書欽火符二道置案上次日收之可治一切瘟疫邪病妙在口傳也



祭神呪

律令大神風火之尊雙騰巨翅飛遊乾坤斬妖吞孽縛鬼收瘟致雨倏忽作晴頃分隨呪隨召來降其門急急如律令

服雷氣

受法之士救民疾苦斷絕妖精驅邪治病須得雷公請炁之法方可行用此法自傳度以後取驚龍前後忽聞雷聲便備香案向其方

兩手握雷局瞑目密呪曰

吾受五雷典法雷霆威聲納則治身保命吐則縛鬼誅邪神炁萬丈灌我眉華太上律令  
狂吏銀牙急急如律令

呪盡待閃雷雷聲作望此方直視吸其炁

咽之二十五次隱隱明明光降即疾吞炁有驗也

有驗也

書符治病起龍行雨

火師曰五雷使院所降大法書符治病起龍行雨退水求晴悉有法訣不可擅行苟有違則不神也應書符預備法儀設案拍神霄呼召訣是向東南巽戶上香召神將直事啟奏上帝并五雷使院雷霆三司五雷主宰然後拍變神訣化身為五雷使步破地召雷罡至案前用雷局念呪曰

玉樞神罡奉救真王破地召雷誅伐凶殃五雷使者速赴壇場隨吾呪救起遺不祥關告

五部大降神光注我筆硯書篆天章水怪消滅邪道奔亡急急如雷寔帝君律令

呪五遍存五雷使玉樞上相北帝蓬萊使

者雷辨并五部雷神官將吏兵自天而下自地而出遠巡想見五雷將吏各化身如容霧同霹靂火通布筆硯朱墨水紙之中然後叩齒五次以筆大卓五聲吸炁五口吹筆硯中存火光萬丈交煥射人任使書符

五雷總攝符



右符書雷字畢添五圈云雷一雷二雷三雷四雷五招異文能治瘟疫瘴氣傷寒沙冷一切邪病

五鎖符



呪曰

天火雷神地火雷神五雷降靈鎖鬼關精右呪書井字畢就轉筆塗七次念呪

一轉六神藏二轉四煞沒三轉動魁罡四轉  
雷火騰五轉霹靂發六轉山鬼死七轉收攝  
逆天無道斷頭落腳一十五種不正為禍神  
鬼並赴吾五雷之下不得動作急急如律令  
呪畢以筆從東南上挑出呵雷燕入符存  
雷聲震地符中火光萬丈祝遺

又五鎖符訣

震天地五聲書井字存雷火霹靂入井字拍  
午再書井字念天火雷神次拍丑念地火雷  
神次合雷火一雷火二雷火三雷火四雷火  
五即歷十二支次自子歷午十二支至子結  
雷局念五雷降靈鎖鬼關精就依前念七轉  
呪一轉文外二轉文實三轉文丑四轉中指五轉中指  
上六轉中指七轉文子  
右依上法塗轉東南挑出

先吸東方生炁入肝宮噓出筆端同目光

生炁青龍符符法



符插震文取生炁存青龍乘燕入符  
震雷連起分三五威面  
大車揚鞭公孫驅駕腥煙  
龍奔電掣連駕雲軒  
招財鎮宅攝妖邪



飛劍捉龍符鎮宅龍安人物  
伏魔一切神靈



左隊右隊  
霹靂三界  
雷公電母  
青帝雷 公將軍 白帝雷 公將軍  
黃帝雷 公將軍  
將軍 起速起捉轉收龍



起龍致雨符又名玉元金  
關龍雷宮

黑雲瑞騰太乙撫朝玉霞洞雲落陰縱龍鐵  
扎一投雷師扶車太上浩翁急急奉  
元君律令

凡郡邑九旱日久祈雨不應仍搜尋名山  
洞穴有龍潭處便依法築壇誦呪次用鐵  
扎長九寸闊三寸以朱書符念呪四十  
九遍投牒下潭中次差諸司官將印押領  
城隍社令同共起雷行雨應時而降仍須  
先具狀奏申則可

一法用生鐵鑄板厚一寸闊七寸長一尺  
二寸遇祈求亦書此符四道同流丹符置  
壇四角四角之中



流丹符



此流丹符用鐵葉長九寸闊三寸刊符以  
朱再填過

欽火大神符

○左眼為日。開眼則火光萬丈。  
○右眼為月。耀天地邪鬼絕滅。  
天圓地方。八。東方靈雷使者疾  
六律九章。八卦。速起五方使者同

○上帝有救掃蕩九州應有不  
順。縛下五嶽急急如律令

雷火燒滅。右嶺崑丘。左角  
鬼懼神愁。四海停流。五嶽  
天星。抱天拽地。飛索六合流  
墜落。手擎火雲。雷太空龍見

自縛鬼神滅蹤火車萬丈條爾駕  
來雨丁熒滅焚鬼滅災急急滅



救呪

三司將吏今日直符隨吾驅使捧領天符收  
捕鬼賊退病消灾敢有逆命雷斧速誅上帝  
救命急急驅除

呪畢挑雷局入符燒錢馬劄子差神將功

曹同符命祛治立見報應  
此符乃大神真形能立致晴雨誅伐妖邪  
斬精除祟吞啗疫鬼神功難述雷部之中  
此符為首用之昔吳許真君師弟子皆得  
此妙

運雷打祟符



右符法兩手自卯點起至辰午申亥未不  
子拍住握五雷訣從兩耳邊運轉念五雷  
呪却步破地召雷罡呼召五雷存至望有  
崇之方以雙手雷局掩兩耳打出為雷鼓  
閃兩目為電光噴水為風雨發訣存雷霆  
霹靂轟發前去敲滅邪祟

收罡斗呪

星斗運罡運步清堂神獸輔我百神扶將吾  
身所指日月同光急急如律令

治邪建獄法

火師曰五雷大法專降玉符禦邪斬妖之秘  
不同常局救生靈困重之厄救羣生幽暗之  
愆戮廟除邪誅妖療瘵皆有專司若世間有  
此種精邪但以符水給與吞佩即時安愈若  
被有形有質飛空走地一切水陸邪神為禍  
水妖作孽不伏符治者有建獄法命三司捉  
縛送獄考治末滅根源立獄于後可按法行  
之

雷電考治獄








此獄禁提三界係職官將典祀下格仙官諸司不道鬼神托姓附人種種作過侮弄道法不伏天符立此獄

火光流星獄




此獄收捉蛟龍毒虺一切水怪成器者界及水府陰官無故害人苗稼湧水漲江翻人舟船吞咱生靈不道作禍用此禁治

金精毒害之獄




此獄收禁天下山精木神五行成器之祟但是精怪為祟有形有像附人形體隱或見並用此獄

九泉苦惱之獄



此獄收禁溫疫傳勞廟觀害人性命種種魔鬼并天下尤強盜賊不順大道害國傷民鬼神並皆禁之

幽臺長夜之獄



此獄收禁不係正祀家先不道伏冤客鬼邪神附形入夢拋沙打石盜據人物毒人婦女占人屋宇五道一切不正偽神詐仙求絕根源

應立獄詳酌大小事理飛申三司并奏

上帝具述邪源見在甚處於東南方建立甚獄乞降三司五雷詣地頭收捉甚色邪妖赴獄禁治依式申畢仍就有邪人家東南擇淨室用香水洒過聚香火爐灰依樣建獄每一獄徑九寸用桃枝一條長三尺上繫紅綃各

長五寸插每獄中央門上貼獄名次焚香請考勸妖魔校正善惡主典五雷主獄主宰典錄拷禁使者縛鬼監送使者律令使者傳令使者三十六雷鼓力士乞降造獄守衛關上獄門不久見形也見形了量罪輕重若誅若囚或迷北帝雷霆司蓬萊司依法斷遣但玉樞院不治罪也


祈雨壇式

大師曰凡國土亢旱日久州郡缺雨官司投詞乞行救濟者乃錄投詞奏聞

上帝并申五雷使院雷霆三司乞特降旨揮下有司赦宥一方人民罪犯然後乞甚雷大降雨澤以救焦枯即牒甚雷速降大雨如或未應仍就一方太歲方上用好黄土築壇三層上層闊二丈四尺中闊二丈八尺下闊三丈二尺各高一尺三寸四角用新瓦四隻盛水用龍潭者內浸流丹符四道中央立香案供養三司樞相共四位壇下四方供養雷部一切官將用道士七員在壇上啓白關告然後法師辰午酉三時仗劍從壇地戶上步飛

龍致雨罡登壇又名作水登壇左轉九次請  
召龍致雨咒九遍次高聲云某境雨澤愆期  
天道久亢仰玉雷下奏事直符使者速起雷  
霆三司指揮甚雷速降大雨救濟焦枯吾已  
奏聞

上帝畢急急速速莫違吾今叱訖復從地戶  
下壇不過三日雷霆雨降仍具奏聞謝  
上帝設醮還雷壇土并笕送長江水中



祈晴壇式

火師曰若國土州邑雨降連月江河汎漲若  
非天命即是妖龍水怪作孽傷害人物如國  
君守土長官欲祈晴明速雨水須申五雷  
使院雷霆三司并奏  
上帝具述詞旨如當天災即乞原赦生靈罪  
犯收雨退水恐是水妖作過乞差三司官將

五雷部東下降收伐二日不應第三須播高  
山或無水處用黃泥土作壇三層闊如祈雨  
壇式但每層只高一尺二寸築壇畢上層置  
香案供養負風猛神風伯大神欽火大神在  
兩邊中供養四司主者壇中層四角安空甕  
四箇並用朱砂其內各入欽火真形符一道  
壇下四方環奉雷部用道士如常祝白法事  
主法取寅午戌三時仗劍步驅龍吸水罡從  
地戶登壇右轉四十九市誦收水作晴咒畢  
香爐中焚欽火真形符一道存有口訣次下  
壇應時風作雲收雨止設醮謝恩上表須是  
如法事畢埋壇土并笕具於午地不得輕棄

祈雨咒

太元浩師雷火精結陰敷陽守雷城關伯風  
火登淵庭作風興電起幽靈飄諸太華命公  
賓上帝有教急速行收陽降雨頃刻生驅龍  
掣電出玄泓我今奉咒急急行此乃玉帝命  
君名敢有拒者罪不輕急急如律令

水師咒

乾天流輝玉池東擲火萬里坎震宮木郎太

乙三山雄坤神巽土浩靈翁太上紫虛玄靈  
夫人至急急如律令

大雨請雨咒

雷光雷光太乙伏藏太伯風令四日浩翁  
君守水擲火陽精雨令何閉風令何平神威  
日華金仙發醒水火同流轉伯負舟三官開  
明五帝信幽太上敕令龍至雨滴急急如  
元命真君救

祈晴咒一名收水作晴咒

火車火車雷令之家三五為帥晃耀無涯掣  
火萬里能掃雲霞有約輔帝曜日銀牙露落  
水類迅速無差伯温帝命掃滅陰邪急急速  
速立待陽華一如  
上帝火令攝

又咒

金精玉回天雲散開紫微降瑞雨澄淨埃海  
伯風雨雷光降僅陽精赫赫陰翳沈埋急急  
奉玉清紫微太極太上火輪律令

明目光字符

先凝神定息向東南旺方執筆甲齒取吸

天目光出吁筆端却下筆書符

香奉生主紫、陽日陰月 玉衡幹運

微大帝敕、晝夜光明 萬有生成

左目閃電右日流星 日月交光

神清氣爽洞徹幽冥 天地攝

凡



右符用薄黃紙墨書於每月朔旦焚香面東南向日光取炁入再書短字蓋焚入淨

水中洗眼其光明倍常

呪香吞服法

法香入吾軀萬病悉皆除法住香亦住炁住神靈住變則為白霜化則為甘露三萬六千日法香求為主急急如

太上老君律令

每日早晨將乳香一塊吸取太陽光炁三遍呵於香上以淨水吞之一年可保身安無病而目能通視也

祈雪

火師曰凡人間春溫夏熱秋涼冬寒乃陰陽升降之常理四時若順則邪炁不生疫癘不作一時不應民即受災應冬溫而無雪是名陽戰使人春多病若國王土人請雪樓災錄其詞飛奏

上帝申五雷使院雷霆三司并申東靈上相瑞光仙師乞赦生靈之過早降瑞雪以壓邪氣然後就太歲方上依祈雨式建壇三層命道士皆如前法但於壇中供養香案上添兩位供養東靈上相瑞光仙師東靈一作東極八靈法師

每遇辰午酉三時步作水名雷罡仗劍登壇右行六六過點念東靈呪六六過至香案前上香啓白

上帝五雷使院雷霆三司東靈上相瑞光仙師早降瑞雪因依方得下壇不出一伏時即應也謝雪亦如祈雨式廿六

東極八靈呪

東靈上相瑞光之家家掌上帝瓊瑤天花主豁火厲掃風滅邪惡仁救物應時無差願降瑞雪遍布中華急急如律令

又呪

金精太極玉華散花祈雪走羣風火氣氤氳師火師降瑞太虛太清太極上真攝律令

伐廟除精

火師曰應人間若有狂神狂鬼山精怪魅迷惑生人婦女現見形像盜竊民財因而為祠種種作過不懼仙法者雷霆主察之許民投詞具奏切害因依奏聞

上帝飛申諸司專牒神雷水雷尅日會合前去伐之至期時左臂佩雷光火文之印紫光丹天之印步飛龍斬怪罡行狂邪伐廟門首貼欸火大神符一道後還左右高峻之所野祭雷神叱出速往其處焚毀其廟收捉鬼賊應時雷雨俱作勿要怕怖事畢如法祭酬雷

靈却以此法行之須是公正不可妄試恐傷物則法官返招謹也廿七


斬蛟屠水怪

凡江湖秋水之中陰洞潭源之內屢龍水怪吞啣六畜吸人血脉或化為巨蛇當其要道傷害商賈或時攻作大水傾陷州縣仍仔

細具奏

上帝申諸司牒水府請降將吏尅日伐之隔三日前須牒州縣城隍土地里社廟祠各躬親部領兵將把扼四方路分毋令走透龍怪一切水精至期日用緋絹七尺書天關符七道用玉晨洞靈之印印之左肘佩印指雷局右手仗劍步連天鐵障至巖龍隱處投符入水中去投符時須教民以鑼鼓助之投符訖高聲召請諸司將兵五雷部眾速斬水怪速巡水中雷震波浪沸騰其怪浮在水上急以洞靈印照之其怪則兩目出血而死然後令弟子用劍誅之以尸埋在絕地以符鎮之事畢發符遣兵將各各復還所治然後別擇吉日祭謝之

天關七煞符



右七符極靈鎮一方水怪若一方一處欲安鎮仍疊兼此符以生鐵鑄成安於潭洞則末世不被水怪所傷奉救斬滅毒龍水怪急急如律令

天關七煞象形疊篆



具法位姓某給

步罡訣法

火師曰凡修真奉法之士既遇明師指示雷法五部所淨符圖寶印文又須得罡步訣為方得其靈也故正法中有建罡將軍起罡將軍皆書其事也今傳于後

作水召雷罡



飛龍致雨罡

飛龍斬怪罡

先移左足右足副之並丁罡變步



驅龍吸水罡



連天鐵障罡



訣目

魁目 戌文並左 辰神目午鬼目 卯禁  
 風邪 指至左 手大總攝印 指中節 役使印 間辰



雷局

大指二二三指拍子  
文四五指拍掌心

化神文凡書符發遣文字  
行持並要化神

火師曰行雷法之士每遇驅役指呼把變神訣叩齒五通存頭戴梁冠衣朱服穿朱履左右有持幢仙人捧劍掌錄童子執幡童子掌

惡簿判官五帝雷公將軍邵陽雷公火車元帥諸司神將皆在吾前後左右聽令指揮然後行事

發遣文字呪

吾奉帝命掌握印符專都司號令之權領鬼神不典之事令行則速如星火法布則疾勝風霆三界不許稽延頃刻明彰報應遵承關命毋輒遲留速往速來吾當坐待

又呪

天雷隱隱龍虎交橫日月羅列照我分明功

曹使者執符奉行

野祭神訣

火師曰凡祈求伐廟除邪去殃欲得速應者須得野祭之法頃刻相應為雷部下將猛烈須用血食祭之應祭之法在野即擇高山無

人到處在市須用東南一室閉而祭之立壇用白粉向巽畫壇三層上闊九尺中闊一丈二尺下闊一丈五尺雄雞一隻用緋綸縛足大盞五隻酒一瓶皂錢五千皂旗五面利劍一口乳香一爐如法布壇至時法師披髮跣

足望巽步破地召雷罡登壇上香左手拍後使訣右手持劍望巽高聲曰吾奉

上帝敕召五方變雷使者速赴某方誅斬鬼賊或云天降甘雨令速風火吾今依法備到

雄雞血酒皂錢明香祭檮爾等至時莫違吾令呪畢便刺雞血滴於五方盞中後斟酒五盞以劍攪酒盞一如前呪便化皂錢將祭物

埋巽方地中三尺法師再呪一次云吾在壇前卓劍相待便以劍卓在埋物地上而退即

雲與雨作不可常祭害物祭時有符一道安壇心事同物埋此法妙甚不可漏泄恐招禍也



西方變雷使者名東儀 北方變雷使者名東儀

凡救數百人為一功一次祈雨有一功

傳度條品

已上功及方一轉初授雷法弟子本師保明允上清錄事五雷院右判官功及轉左判官

次轉右大判官同正法主格日直元君再轉左大判官功及轉斗中都水使者一作掌再


轉都水使者一作都水右判官功及轉上清

司命玉府右卿同大部再轉上清司命玉府

左卿同大部再轉玉府上卿五雷副使判雷

霆都司鬼神公事再轉玉府上卿五雷使領

雷霆都司鬼神公事同九天金應左右判官



弟子某可持授  
某職依天行持

玉樞院使 臣姓某

皆文 太歲 年 月 日 時 告下

具本師衙位 臣姓某行

雷城鐵券

正文

敕 鎮身保命 役使五雷 誅 孽惡部功曹 師 曠法之罪 臨 急急萬神奉行 錄竹三官果劫

玉樞院使 臣姓某

皆文 太歲 年 月 日 時 告下

具本師衙位 臣姓某行

劄子式

上清玉府五雷使院

當院昨據某詞稱入意勾行保奏上清玉府五雷大法將兵符圖印一官吏佐天行化助國救民當院尋具奏聞并申合屬去處今月某日已蒙上帝命賜下將兵報應訖所召合役神將八員雷兵一千付度外當院所據投詞懇切不敢抑違勸會某人奉道推誠行止明煥於此下保委有法器堪充治官當院甘保盟傳度今連粘合補法職印樣心印在前仰煩轉奏某處聖位

請降敕旨下泰玄都省宣告三界應于合屬去處威使知聞如遇日後凡有行移悉祈威格仍乞曲頒

恩命赦除某人及九玄七祖一切罪愆下東嶽割移某人名字紀上天曹庶使法緒綿長玄風大振拱俟昭報

右劉某將準此

太歲 年 月 日

具職姓某押

申天樞院

上清玉府五雷使院

某今發奏狀共通謹謹上詣三天門下請進合具申聞者

右謹具狀上申

天樞院上相真君某等恭望

聖慈允令申懇乞不伺諸處章表公文特為先伸騰進冒瀆

真威伏候

昭報謹狀

太歲 年 月 日 具位姓某 申

道法會元卷之五十六